

Hans Völky/Hof zu Hätzlisberg

Ich Hans Völki von Dorrenbüren vergich öffentlich für mich und min Erben mit disem Brief. Das ich mit gutem Willen aller der die darzu notdurfftig waren und wie es krafft und macht haben solt und mocht nach gewonhait und nach recht dem frommen vesten minem gnädigen Herren Junkher Ulrichen Brun von Ämptz und sinen Erben ains rechten stäten ewigen und ymmer werenden kouffs ze kouffend geben han mit krafft und macht dis gegenwurtigen Briefs. Nün Schilling alles guter Costenzer pfening und werung die dnne ie ze Costenz an dem wechsel gaeng und gäb sint Järclichs zins und ewigs geltz iegliches Jars uf sant martins tag ze richtend und ze gebend usser und ab minem Hof genant Hätzlisberg den ich halben koufft han umb Junkher Hansen von Aemptz und den ander halbtail umb die witwerinen von Dorrenbüren und umb irn kind. und stosset ze Dorrenbüren an das gemain werk und der ouch min recht ledig aigen ist wvon das Hailigen und der Kirchen ze Dorrenbüren und der greberinen etwie vil korngeltz und pfening zins Dar Ab gat. Der selbe Kouff ouch beschehen ist umb nün pfund Costenzer pfening die alle zu minem nutz komen sint nün schilling pfening geltz vu fürbas hin ymmerme ewiclich und iegliches Jars uf den vogenant sant martins tag usser und ab dem Eigenen hof mit aller zugehörd in ir hand und gewalt Richten und antwurten süllen an allen schaden. und sein och also ich und alle min Erben des obgenant kouffs in allen vorgeschribnen Rechten. als vor ist beschaiden. Recht weren und geweren für aller menglichs werrung und Ansprach nach Lands Recht und nach Recht an alle gevärde. Und des alles ze waren offenen urkund hat der Erber Hans Berkman Land Amman ze Dorrenbüren sin Insigel durck miner bettwillen Im und sinen Erben unschädlich an disem Brief gehenkt: Und ich der selb Amman vergich des ouch mit disem brief mir und minen Erben an schaden. Der geben ward nach Cristz geben ward nach Cristz geburt vierzehenhundert Jar dar nach in dem Atzehenden Jar an sant Kathrinen Abend.

Rückseite:

Hans Völky von Dornenbieren VIII f Zins ab Hätzlis Hoff zu Torenbüren gegen Herrn Ulrich Brunen von Empß 1418 24. Nov.